



U G O V O R

o javnoj nabavci usluga održavanja servera, printera/plotera, skenera, monitora, računara i informatičke infrastrukture

KJKP Sarajevogas d.o.o. Sarajevo, ul. Trg Fadile Odžaković Žute br. 4
Koga zastupa: V.D. Direktor Preduzeća Sejfo Ušanović, dipl.ing. (u daljem tekstu: Kupac)

i Konzorcij: Rebus d.o.o., Derviša Numića br. 1 i System One d.o.o., Azize Šaćirbegović 80C, Sarajevo
Koga zastupa: **Kerim Kapetanović**, (u daljem tekstu: Prodavac)

Član 1.

Na osnovu Okvirnog sporazuma broj 53/19, a po provedenom konkurentskom postupku nabavke usluga održavanja servera, printera/plotera, skenera, monitora, računara i informatičke infrastrukture broj KN05-23/19, ugovorne strane zaključuju ugovor br. 2 (dva).

Član 2.

Predmet ovog ugovora je nabavka usluga održavanja servera, printera/plotera, skenera, monitora, računara i informatičke infrastrukture po konkurentskom zahtjevu za dostavljanje ponuda broj KN-05-07/19. Prodavac usluga je dostavio ponudu prema Obrascu za cijenu ponude (Anex IV) kupca broj SP-OJ06-KN-05-07/19.

Sadržaj i vrijednost usluga iz stava 1. ovog člana (Obrazac za cijenu ponude SP-OJ06-KN-05-07/19) priložena je ovom ugovoru i predstavlja njegov sastavni dio.

Član 3.

Ugovorna vrijednost usluga iz člana 1. ovog ugovora bez PDV-a iznosi: **12.714,00 KM (slovima: dvanaest hiljad sedam stotina četnaest) KM**, a jedinične cijene su specificirane u prilogu ovog Ugovora i čine njegov sastavni dio.

Član 4.

Prodavac će usluge iz člana 1. izvršavati prema Obrascu za cijenu ponude SP-OJ06-KN-05-07/19 nakon zaključenja ovog ugovora. Ugovorne strane su saglasne da se kvalitativni i kvantitativni prijem izvršenih usluga, uz prilaganje neophodne dokumentacije (radni nalozi), izvrši od strane ovlaštenih predstavnika svake ugovorne strane.

Član 5.

Prodavac će obračun izvršenih usluga vršiti po jediničnim cijenama iz priloga ovom ugovoru. Kupac će plaćanje izvršiti u roku od 60 dana nakon prijema uredno ispostavljene fakture na transakcijski račun Prodavca naznačen na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom nijedne ugovorene strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.



Član 8.

Prodavac je u obavezi da u roku od osam (8) sati nakon dobivanja narudžbe od Kupca izvrši traženu uslugu (interventno održavanje).

Član 9.

Za svaki dan kašnjenja u isporuci usluga Kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 10.

Ukoliko Kupac u ugovornom roku iz člana 4. ovog ugovora ne plati cijenu za isporučenu uslugu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period do ispunjenja njegove svrhe, ali ne duže od roka važenja zaključenog okvirnog sporazuma odnosno do 27.02.2021 godine. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih kupcu pripadaju 3 (tri) primjerka a prodavcu 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.


Za Prodavca:


Direktor, Kerim Kapetanović

Broj i datum ugovora, 27-1/20UP
27.01.2020

Za Kupca:

V.D.Direktor Preduzeća



Sejfo Ušanović, dipl.oec.

Izvršni direktor


Mr. Mehmed Mehović, dipl.oec.

Broj i datum ugovora, 14/20




Fatima Kupčić
22-01-2020